

բարձրանում ու գունաւոր հրդեհների մէջ ճախրում :

— Բարձրահասակ, լայն ուսերով, երկայն ու ոլորուն բեխերով, սրածայր մորթէ գլխարկը մի քիչ թեքուած, արարական կատաղի ձիւ վրայ հեծած, ոսկեթամբ, կուացած մեծ սուրը մէջքին կապած, խստադէմ, բոցավառ եւ կատաղի՝ կռիւների ժամանակ, մեղմարարոյ եւ հայրական՝ ժողովրդի հետ, հլու հաւատացեալ եկեղեցու մէջ եւ յարգանքով լեցուն՝ մտքի, գիտութեան եւ արուեստի առջեւ :

— Եւ երաժշտական եղանակաց :

— Քի՞չ բան էք կարծում : Մտածեցէ՛ք, որ այն, ինչ որ մենք գեռ շարունակում ենք անյատուկօրէն անուանել հայութիւն, ուրիշ բան չէ, եթէ ոչ մի քանի քաղցր ձայնանիշների եւ կիսաքանդ քարերի վրայ դրոշմուած ձեւերի հեռաւոր յիշատակը :

— Դուք վտանգաւոր մարդ էք :

— Ով որ Նորքի ստորոտում ծաղկած նշանիները չի տեսել՝ ոչինչ չի տեսել :

— Արովեան փողոցում տնկուած ծառերը մի քիչ մարմին են առել, երեւում են առաջին բողբոջները :

— Նկատե՞լ էք. կառավարական հիմնարկութիւնների առջեւ տնկած ծառերը չորացել են՝ ոչ ոք ջուր չի տալիս...

— Հաւաքական տնտեսութեան բարիքները : Կոմունիզմը բնութիւն չի սիրում :

— Հակայեղափոխակա՛ն...

— Եւ սակայն, դարունը եռացած լաւայի նման ամէն կողմից պոռթկում է : Նայերեան աշխարհը մոզական շունչի տակ արթնանում է. Չանգուն, Արաքսը եւ այնտեղ հեռուում, խորհրդաւոր Եփրատը բոժոժներ են շարժում ու կարկաչող լոյսերի մէջ ուրախ թաւալ են գալիս : Հայաստանը դառնում է հնչուն մի երգ. հողերի վրայից սահում են զրնգուն ալիքներ. ճառագայթները ծնծղաներ են զարնում եւ ամէն ինչ կերպարանափոխուում է : Ամէն ինչ դառնում է ջերմութիւն, լիառատ հոսում, անզուսպ վազք...

— Չմեռուան խոր քունից յետոյ :

— Այո՛, եւ մանաւանդ թեւերը ծալած յաղթանդամ կրճքի վրայ, երկարօրէն անշարժ, խորասուզուած, մեր երկիրը, ամիս-

ներով ձիւնի մէջ կորած, ունկ է մատուցում խոր լարիբինտոսներից առաջացող մրրիկներին, տապալակում է ցեխերի մէջ, սիրտը տալիս է անձրեւներին, ձանձրոյթի եւ տրամութեան շուրջը ոսկէ առասպելներ է հիւսում ու մի օր, յանկարծ, երբ առաջի ձիւնծաղիկը իր թեւերի բոցը տալիս է սառոյցին, նա կարկառում է իր բազուկները արեւելքից փչող տաք հոսանքներին եւ քայլում է, լեռնէ լեռ, այնպէս ինչպէս զինովցած մի հսկայ :

— Տեսնում եմ, լաւ էք տրամադրուած վաղուան ճամբորդութեան համար :

— Ի՞նչ ճամբորդութիւն :

— Վերջապէ՛ս, Եկանք մեր խօսակցութեան բուն նպատակին : Վաղը կենդանորձկամի նախադահլը դնում է Չանգեղուր...

— Բախտաւոր մարդ :

— Այնքան էլ չէ : Զիով, դժուարին ճամբաներով, կածանների վրայ ճազցելով...

— Մե՞նք էլ...

— Չէ, մենք կ'ընկերանանք նրան մինչեւ Նոր Բայազէտ : Բիձ՝ները մեր տրամադրութեան տակ պիտի դրուին :

— Չտեսնուած բան :

— Մինչեւ Ելենովկա : Յետոյ նաւով, ամէնքս միասին կ'երթանք Նոր Բայազէտ. յետոյ լճի շուրջը կը պտտենք. յետոյ կղզին, յետոյ...

— Ինչքա՛ն բաներ :

— Սեւան :

— Սեւան, ամենազեղեցիկ բառերից մէկը, որ երբեք լսած եմ : Չնայած իր պարունակած սեւ-ին, նա ինձ ներկայանում է բարձրաբարձր ու լուսաւոր, հմայիչ եւ առասպելական...

— Ռոմանտիզմ :

— Եթէ ուզում էք. ինչո՞ւ վախենալ բառերից :

— Որովհետեւ կան բառեր, որոնք թաքցնում են վտանգաւոր մտայնութիւն, միանգամայն վնասակար, յետադէմ եւ կործանիչ :

— Նոյն ճանապարհով կը վերադառնանք Երեւան : Տաքը, տասներկու հոգիից բաղկացած մի խումբ : Իշխանութեան անդամներ եւ մի քանի մտաւորականներ՝ բանաստեղծ, նրկարիչ, դերասան, լրագրող...

— Ամբողջ մի ակադեմիա :